

陋軒集

附錄集

函一
五冊

陋軒詩 卷十

泰州吳嘉紀野人著

逋鹽錢逃至六竈河作

草舍不盈丈乃在鹵壤中濛濛黑塹飛戶外起秋
風何能免沾汙已覺改形容居人若鬼魅衣食常
不充往昔遇汝曹心魂悸且恫今予獨何辜栖止
與汝同

又

稱貸鹽賈

山西人

錢三月五倍利傷此饑饉年追呼

雜背吏其奴喫竈戶牙爪虎不異腐儒骨稜稜隨
俗受罵詈秋清發茱萸償錢期已至空手我何之
鄉廬聊棄寘

又

日傍故園落洲洲蘆花開新鴈此時至孤鳴夕悲
哀我亦始離羣行坐無好懷長謠思同心道阻不
可偕風末聞權歌何人遠溯洄呼兒匿草中叱咤
債主來

又

鹽貴賈驩甚索鹽不索錢
黽更東去牽船買鹵
還中夜起披衣牢盆賃人煎蟋蟀無宇託愁音遍
野田北斗低照地我在霜露間賈子爾何人使我
夜不眠

又

曠野風又起葦乾葉颼颼海岸欲下雨狼鳴五更
頭衰年近異類驚定淚旋流眼中無護草何以忘
我憂土室絕親愛雪窖長淹畱往哲已如此老夫
復誰尤

又

故里水蕩蕩垣傾巷無扉吾妻此臥病終日謝舖
糜旣上澤蛙躍牀前秋蘚肥無金可糴米病腸幸
不饑壯年鮮其林衰疾更分飛何當似萊子織畚
隱翠微

又

海水東北徙新沙細草綠稍稍蕪鹽池紛紛買耕
犢煮海每絕糧有地因播穀雨多鹵氣消露白禾
苗熟芳香炊在釜子粒散如玉珍產不擇鄉何須

地土沃

又

苾蒨秋原鞠平生海水濱花葉誰采采腰鎌來樵
人束縛衆莽中爨煙漸相親當其花發時野意何
清新蒿艾各自得孰知汝邁倫託根近下愚豈不
同錯薪

又

雄雉裴徊飛羽毛何陸離孤蹤傍潮汐文采欲奚
施豈無山澤侶道遠不可追入草聊自潛尾長人

附車言
易知隨鴻苦無力變蜃非此時常愁觸羅網顧盼
心驚疑

又

北風凋萬族蒼蠅氣先靡橫飛力何微仰蹶鳴不
已時哀物態醜患遠人情喜念我初來時鹵鄉聚
如蟻帶聲到盤餐遺穢霑巾履驅除恨無術悶悶
杖自倚

又

氣臭行若飛俗呼曰鼈蝨匾身藏木榻穢種散書

帙齧人膏血飽伺夜昏黑出拙哉一愁人於此來
抱膝弇嚙羨僮僕爬搔增老疾何能久食音嗣渠海
岸望朝日

又

髯公郝羽吉

似靈均情性受芳馨籬下蘭茝多常使

醉人醒要我此聚會焚香掩軒櫺香氣何氤氲夜
深燈影青山泉流入渭一半流入涇分離曾幾日
清濁倏異形

又

伯子

汪長玉

對債主瓊花糞壤前丘樊縈雲鶴不得

飛翩翩人小但爭利虎饑寧避賢丈人氣槩世乃
不如一錢乾坤悲枳棘湖海夢蘅荃惟子實同病
相望徒相憐

又

夫子

孫豹人

不可測置身夷惠間今日被華袞昨日

把釣竿泊如塵壒內流水與高山驅車方北上餬
口又南還帝王好詩賦妻子足饑寒奔走更誰嚮

自歌行路難

又

老人立樹下遲客來秋原原上雨初霽麥芽青到
門笑謂牧牛豎好持沽酒樽酒未知濃否乃沽自
遠村佐飲齏鹽味無拘山野言顧瞻及窮困愧我
非王孫

又

誰送一樽來河涯嗥瘦狗遙知舉案人嗟我乘桴
久自抽頭上簪暫質店中酒僅抱入鹽烟鷺驚起
荻蘖銷憂味必醇寄遠懷何厚欲飲轉躊躇月痕

在甕牖

呈四兄賓國

歲潦野無實餒烏遶塍飛遲回挈空筐我亦望廬
歸里閭漲始落藻荇掛垣扉鴈鶩帶居人烟火一
何稀吾兄棲廢宅恬憺自忘機蕭蓬新物態寒暑
古絺衣閉門秋樹裏反照夕微微

又

朔風散昏霧天地廓無涯回瞻桃李樹顏色今若
何逐豔氣節靡過時憔悴多吾兄乃種梅寒極林

發花濃霜如雨露肅殺容轉和始知冰霰中此是真繁華疎枝影盤暈新月出我家

又

少年兄尚勇壯亦悅聲音牀頭掛古劍席上橫清琴詎能適人意時命違寸心絃斷不更續鐵鋒埃盞侵猛虎爪縮縮單鴛淚涔涔盛衰情不易缺陷恨常深空餘漸離筑拂拭自沉吟

又

曩時慕雲霄棄去爲樵牧膏腴讓他人藿食我不

附車言
足志氣誠清虛受禍則腸腹驅走傷薜衣滯淫夢
茅屋骨肉成枯葉紛紜謝寒木只今存一兄歲暮
淮南曲吾道在桂叢連枝雪中綠

又

紫蘭怡深山錦鯉戀澄潭窮鄉味如荼吾兄心獨
甘腰鎌遣歲時花藥翳茅檐阿弟曷舍此舟車北
與南問年兄七十弟亦六十三出戶涕霑灑臨風
髮鬢鬢浮雲野冉冉離別老何堪

題程雲家拾橡圖

簞豆不屑盼先生得無饑里舍笑商歌怒然欲焉
之青青竹筥手提攜山谷清風早已知辛勤吹橡
樹其實下離離安用身受仁祖米不須口茹黃公
芝攀石林陟雲陂前路狙公是我師

又

采掇望雲山古人餓未了老夫努力追前修一笑
覲君東海道頽陽清夕原單鵠響秋昊君齒壯盛
吾髮皓褰裳各自詠懷抱君願逢林類拮拾腹同
飽我願遇韓終烟霞顏更好

懷羅大

字有章

世人謾結交其後每多悔誰能二十年猶是舊交
態壺醞醇易醉匱瑜潤堪佩憶昨渡揚子扁舟坐
相對潮長石磯低花深村犬吠回首望南徐江中
山靄靄

懷羅仲

字懷祖

仲也耽苦吟亦復有禪癖釋子滿四座詩人爲上
客結納東陶老笑言廣陵陌憶昨還家時灣頭李
花白舖糜我則無解贈君不惜儻非鮑子金安得

凶年麥

移菊復歸陋軒喜戴岳子過訪

家貧傷轉徙。漲落見上樊。起抱籬邊菊。言歸廡下
軒。荒階仍散影。故土倍忘根。已有攜尊客。看花到
華門。

又

暫寄他籬下。重尋舊路回。隨人秋渡水。勸我老銜
杯。扶杖依依看。當門緩緩開。寒芳嫌俗物。之子不
妨來。

水退後同戴岳子晚步因過季園時季秋九

日

細草垂桑柘。紛紜如薜蘿。村莊寒水出。樵牧夕陽
多。澤國年頻饑。殘秋氣轉和。廢園蕪莽莽。尋路與
君過。

又

水中微徑出。沙石白粼粼。枯柳不棲鳥。空亭始受
人。東淘漁火聚。西寺磬聲新。吹帽風何急。蕭蕭落
葉頻。